



AThulphus Halarici defuncti regis Gothorū propinquus fuit, qui rerū gestarum gloria & animi magnitudine reliquos suæ gentis homines facile superabat. Itaque factum ut post Halaricum communi militum consensu Gothorum rex fuerit declaratus. Is statim Placidiam Honorij Imperatoris sororem, quam prius Romæ captam diximus, si bi matrimonio iunxit. Hęc regem multò Romanis mitiorem reddidit, cum urbi excidium minatus esset. Cum enim post Gothorum digressum urbs sese paucis mensibus in pristinum quasi statum vindicasset, ut præter pauca incendiij uestigia nihil hostile passa uideretur, atq; ciues Gothos contemnerē inciperent, Athulphus rex Romam properauit, atq; denuò repugnantibus Romanis urbem uicē cepit. ibi iterum diripitur & multa cæde fœdatur.